

## Ilisimatuutut misissuinerup takutipkaa:

- Inuusuttut ilaat imigassartortaliaarsimasut inuunermi ilaani imigassamik annertuumik atuilikkajupput.
- Inuusuttut ersarissumik malittarisassaqtitsisunik isumaqatigiissusiorfigisimasaminnillu angajoqqaallit inuusuttoqatiminnit angajoqqaaminnit killeqartin-neqanngitsunit imigassartornikinnerusarput.
- Inuusuttut amerlasuut angajoqqaami peqqussu-taannik paasinnittarput, aamma isumaqatigiissutaasimasoq sinnerlugu imersimagaluaaraangamik inuusut-toqatiminnit aanngajaarniutit pillugit angajoqqaatillu isumaqatigiissuteqarsimangitsunit imernikinneru-sarput.

(Faktaarkemi) kisitsisitigut ilisimasat takusinnaasattut inuusuttorpassuit klassini annerni atuartut imigassamik misiliisalertarput. Taamatullu ukioqarnerminni hashimik pujortarnermik misiliisarlutik.

Inuusuttut qarasaat 20-it missaani ukioqaleraangamik aatsaat inerilluarterput. Aanngajaarniutinik atuilqqaar-nisap kinguartinissaa aamma peqqissumik inuuneqarnissa-mik kajumissaataavoq.

## Naggataani

Aanngajaarniutinik atuilernissamut ikioqatigiillusi killiliisinnagussi, angajoqqaajuneq inuusuttuunerlu aamma ilinniartitsuuneq oqinnerussaaq.

Quppersagaaraq una aamma (faktaark) kisitsisitigut ilisimasat, angajoqqaatut aanngajaarniutit pillugit ammasumik eqqartueqatigiinneq qanoq pingaaruteqar-tiginersoq pillugu paasissutissaqarpoq. Aanngajaarniutit pillugit sooq angajoqqaatikka ataat-simeeqatigissavakka?

## Inuusuttut amerlasuut festerner-mi peqataasaleqqaaraangamik immin-nut tatigineq ajorput.

- 🕒 Imigassaq hashiluunniit imminut tatiginnginnermik appartitsisinnaavoq. Inuusuttut amerlasuut qulalersin-naasarput, ikinngutitillu imminerminnit misilittagar-tunerusutut inerterneqannginnerusutullu isigilersin-naasarlugit.
- 🕒 Inuusuttoq aanngajaarniutinik misilittaasariaqartut kimigiiserfigineqarluni misigisimasinnaavoq. Asser-suutigalugu imigassamik imernerunissamik aamma hashimik ikiaroonartunilluunniit allanik misiliinissamik.

Aanngajaarniutit pillugit eqqartuineq taakkualu pillugit isumaqatigiissusiorneq pingaaruteqartoq ilisima-tusarnikkut misissuinerup naqissuserpaa



## Angajoqqaanut quppersagaaraq

Meeqqavit klassiani angajoqqaanik ataatsimiisitsinissamut aggersagaavutit. Ataatsimiinnermi aanngajaarniutit pillugit eqqartueqatigiinnissaq siunertaavoq.

